



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1752. usque ad
Annum 1757 - Cum Appendice ad Annos 1744. 1745. 1748

Luxemburgi, 1758

IX. In Utinensi Civitate, Collegiata Ecclesia Sanctæ Mariæ Majoris
nuncupata in Archiepiscopalem Ecclesiam cum omnibus juribus,
præminentis, ac privilegiis erigitur. 19. Januarii.

[urn:nbn:de:hbz:466:1-74789](https://nbn-resolving.org/urn:nbn:de:hbz:466:1-74789)

1753.

1753.

Legatos, aliosque quoslibet, quacumque præeminentia, & potestate fungentes & funcionarios, sublata eis & eorum cuilibet aliter iudicandi & interpretandi facultate, adversus quoscumque in præmissis delinquentes, etiam speciali nota & expressione dignos, prout in præcatis Prædecessorum Nostrorum Constitutionibus exprimuntur & nominantur, iudicari & definiri debere decernimus & mandamus.

Derogatio
contrariis.

§. 9. Non obstantibus contrariis quoruncumque Trinomialium & Iudicum resolutionibus & definitionibus, aut Curiarum usibus, stylis, & consuetudinibus, seu inveteratis Doctorum opinionibus & sententiis, nec non Urbis præfate, aliarumve Civitatum, Terrarum, atque Locorum Statutis, seu eorundem, & quarumcumque Personarum, & Universitatum Privilegiis, Exemptionibus, & Indultis, cæterisque omnibus, quæ uterque Pius, Alexander, & Clemens Prædecessores prædicti suarum Constitutionum observantia, & executioni decreverunt non obstat.

Fides habenda
transumptis.

§. 10. Volumus autem, ut præsentium Litterarum exemplis, etiam impressis, Notarii publici manu subscriptis, & Personæ in Ecclesiastica dignitate constitutæ Sigillo munitis, eadem fides in iudicio, & extra, ubicumque opus fuerit, habeatur, quæ ipsis presentibus haberetur, si originaliter exhiberentur, seu ostenderentur.

Sanctio.

§. 11. Nulli ergo omnino Hominum liceat paginam hanc Nostrearum approbationis, confirmationis, innovationis, Decreti, declarationis, mandati, & voluntatis infringere, vel ei ausu temerario contraire: Si quis autem hoc attentare præsumpserit, indignationem Omnipotentis Dei, & Beatorum Petri & Pauli Apostolorum ejus, se noverit incursum.

Dat. 11. Januarii
1753.

Datum Romæ apud Sanctam Mariam Majorem Anno Incarnationis Dominicæ millesimo septingentesimo quinquagesimo tertio, decimo octavo Kalendas Februarii, Pontificatus Nostri Anno Tertiodecimo.

D. Card. Passioneus.

J. Datarius.

Viva de Curia J. C. Boschi.

Loco † plumbi.

J. B. Eugenius.

Registrata in Secretaria Brevium.

Publicata die 3. Februarii 1753.

IX.

In Utinensi Civitate, Collegiata Ecclesia Sanctæ Mariæ Majoris nuncupatæ in Archiepiscopalem Ecclesiam cum omnibus juribus, præeminentiis, ac privilegiis erigitur.

BENEDICTUS EPISCOPUS,

Servus Servorum Dei, ad perpetuam rei memoriam.

Progenium
Præcipue e-
numerantur
conditiones,
ut locus ali-
quis Pontifi-
calis Sedis
honore do-
netur.

Suprema dispositione, cujus inscrutabili Providentia ordinationem suscipiunt universa, in supereminenti Apostolicæ Dignitatis specula, meritis licet imparibus, constituti, illiusque vices in Terris gerentes, qui gloriosus regnat in Cælis, inter cæteras curas humeris nostris incumbentes, illam libenter amplectimur, per quam Nostre Provisionis ope insignes Collegiata Ecclesiæ, præsertim in Civitatibus Nobilibus, Populique frequentia conspicuis, dignioribus titulis, scilicet Metropolitanarum Ecclesiarum, illustrentur, & condignis favoribus attollantur; cumque id statui, & decori Ecclesiarum ipsarum maxime congruat, & Nos pro Divini cultus augmento, & speciali Christianissimorum consolatione, convenire

conspicimus, in his sollicitudinis Nostre partes favorabiliter interponimus, ac opem, & operam Nostros impendimus efficaces, ut illæ per Nostre vigilantia ministerium, votivis gratulentur eventibus, & felicia in spiritualibus suscipiant incrementa. Sequitur narratio suppressionis Patriarchatus Aquilejen., & statuta erectionis duorum Archiepiscopatum, de quibus vid. Tom. XVIII. Constit. L., ac alias, prout in prædictis litteris Nostris Apostolicis sub Datum pridie Nonas Julii Pontificatus Nostri Anno undecimo desuper expeditis, plenius & uberius continetur.

§. 1. Nos propterea erectioni Archiepiscopatus Utinens. hujusmodi modum & formam imponere, eandem erectionem per Nos faciam Apostolica auctoritate confirmare cupientes, motu, scientia, & potestatis plenitudine similibus, in Civitate Utinensi valde conspicua, ambitus quinque Miliarium circiter, duplici muro circumdata, ac pluribus ædificiis tam publicis, quam privatis eximie ornata, Populique frequentia celebri, utpotè viginti milium circiter habitatorum numero referta, inter quos plurimæ Nobiles Familia, ex quibus plures quovis tempore tam antiquæ Militiæ, quam insignioribus Equestribus Ordinibus adscripti fuerunt, & in qua, uti Gubernator etiam per totam Provinciam, præsidet unus Venetus Patrius, qui una cum duobus Iudicibus Prætoriam Curiam efformat; novem item inibi, præter infra scriptam Collegiatam, reperiuntur Parochiales, & alie intra muros Sæculares Ecclesiæ, seu Cappellæ, ac decem virorum, inter quæ Domus Presbyterorum Missionis a prædicto Daniele Cardinale, & Patriarcha propriis expensis erecta, & fundata, ac duodecim Mulierum Cœnobium, quorum unum, illud videlicet Sanctæ Catharinæ Senensis nuncupatæ, per eundem Danielem Cardinalem & Patriarcham a fundamentis extructum; & Conservatoria, aliaque Loca Pia, Hospitalia, & Confraternitatum Oratoria, cum Monte Pietatis, & Seminario: Et in eadem Civitate Utinensi, in qua Tribunal Inquisitionis contra Hæreticam pravitatem, & Magistratus particulares reperiuntur, convocari solent generalia Provincia Comitata, ideoque digna, ut jure merito Archiepiscopalis Civitatis nomine nuncupari valeat; Sæcularem & Collegiatam Ecclesiam Sanctæ Mariæ Majoris nuncupatæ, una cum illius Canonicatibus & Præbendis, Apostolica auctoritate perpetuo supprimimus, & extinguimus, illisque sic suppressis, & extinctis, prædictam Collegiatam Ecclesiam, in sui structura valde magnificam, ac undecim nobilissimis Altaribus efformatam, ac sacris paramentis, & utensilibus ad divinum cultum necessariis, & ad Pontificalia exercenda sufficienter instructam, dignam propterea, ut titulo & honore Archiepiscopalis Ecclesiæ decoretur, ad laudem & honorem Omnipotentis Dei, ac Beatæ Virginis Mariæ, & Sanctorum Apostolorum Petri & Pauli, necnon Fidei Catholicæ exaltationem, & totius Militantis Ecclesiæ gloriam, in Archiepiscopalem & Metropolitanam Ecclesiam Utinensem nuncupandam, sub titulo Annunciationis ejusdem B. M. V., & in ea Archiepiscopalis, & Metropolitanæ Præfulis Utinensis Sedem, & Provinciam caput, pro uno deinceps Archiepiscopo Utinense nuncupando, qui Pallii, & Crucis usum, aliorum Archiepiscoporum more, necnon ex voluntate, seu permissione Ducis, & Reipublicæ prædictorum benignè decreta, locum, & vocem in Parlamento Generali Forijulii, in prima sede, seu sessione inter Prælatos, habeat, cum suis Capitulo, Sigillo, Arca, Mensa Archiepiscopali, omnibusque aliis insignis Archiepiscopalis, necnon privilegiis, honoribus, & prerogativis, aliis Archiepiscopis debitis, & concessis, ac juribus, jurisdictionibus, facultatibus, præemi-

Insigniores
Civitatis U-
tinen. præro-
gativæ.Nec non Sæ-
cularis Col-
legiata Eccle-
sia S. Mariæ
Majoris.Quapropter
Pont. Archi-
episcopalem
Sedem & Ec-
clesiam ibi
erigit cum
omnibus ju-
ribus & præ-
rogativis.

nentiis,

nentiis, gratiis, favoribus, & Indultis realibus, & personalibus, ac mixtis, quibus alia Metropolitanæ Ecclesiæ, earumque Præsules quomodolibet, non tamen titulo oneroso, seu ex indulto, aut privilegio particulari, utuntur, fruuntur, potiuntur, & gaudent, ac uti, frui, potiri, & gaudere possunt, similiter perpetuo erigimus, & instituimus, ac nomine, titulo, & honore Archiepiscopali & Metropolitanano decoramus, necnon pro tempore existentem Ecclesiæ prædictæ Utinensis Præsulem, in Archiepiscopum declaramus; eique, ut ipse cætera singula, prout Metropolitanis in eorum Civitatibus, Diocæsis, & Provinciis a jure indultum existit, facere, exercere, administrare, & exequi possit, eadem auctoritate concedimus, & indulgemus.

Ereclæ Metropolitanæ Suffraganeæ Ecclesiæ assignantur.

§. 2. Præterea eidem Ecclesiæ Utinensi, Episcopales Paduanam, & Vicentinam, ac Veronensem, & Tarvisinensem, ac Cenetensem, & Bellunensem, ac Feltrensem, & Concordiensem, ac Justinopolitanam, & Æmoniensem, seu Civitatis novæ, ac Parentinam, necnon Polensem Ecclesias, Patriarchatus olim Aquilejensis per Nos, ut præfertur, suppressi & extincti Suffraganeas, ac Venerabiles Fratres Nostros modernos, ac pro tempore existentes earum respectivè Episcopos, pro Archiepiscopo Utinensi pro tempore existente Suffraganeis, qui tamquam membra capiti eidem Archiepiscopo Utinensi jure Metropolitico subsint, ita quod Archiepiscopus Utinensis pro tempore existens prædictus in Paduana, Vicentina, & Veronensis, ac Tarvisina, & Cenetensis, ac Bellunensis, & Feltrensis, ac Concordiensi, & Justinopolitana, & Æmonienfi, seu Civitatis novæ, & Parentina, necnon Polensi Civitatibus, & Diocæsis, jus Metropolitico sibi vindicet, necnon Paduana, ac Vicentina, & Veronensis, ac Tarvisina, & Cenetensis, ac Bellunensis, & Feltrensis, ac Concordiensi, & Justinopolitana, ac Æmonienfi, seu Civitatis novæ, & Parentina, necnon Polensi Ecclesiæ prædictæ, eidem Archiepiscopo & Metropolitanano Utinensi ad omnia & singula teneantur, & sint adstrictæ, ad quæ Suffraganei suis Metropolitanis Ecclesiis, & Metropolitanis tenentur, & obligati sunt, & judicentur secundum Canonicas Sanctiones, dicta Apostolica auctoritate etiam concedimus, & assignamus; ac eidem Archiepiscopo Utinensi prædictos suos Suffraganeos consecrandi, ad Provinciales Synodos evocandi, ac cum eis etiam publica negotia terminandi; & causas quarumcumque appellationum, sive querelas, aliàs ad eum tamquam Metropolitanam, juxta Decreta Concilii Tridentini devolutas, ac alias juxta Sacrorum Canonum statuta spectantes, cognoscendi, omniaque alia & singula, quæ de jure vel consuetudine, aut aliàs quoquomodo ad Archiepiscopos, & Archiepiscopale munus spectare & pertinere solent, & debent, gerendi, faciendi, & exercendi, plenam, liberam, ac omnimodam auctoritatem concedimus & facultatem: Provinciæ quoque Utinensis Clerum, & Populum universum, ac omnia Loca, Ecclesias, & Monasteria, ac Oratoria, & Pia Loca, necnon Confraternitates, in dominio Veneto existen., olim prædicto Aquilejensi Patriarchatu per Nos, ut præfertur, suppresso & extincto, subjecta & subjectas, pro eorundem Ecclesiæ, & Archiepiscopi Utinensis provincialibus, pariter perpetuo concedimus & assignamus; ac deinceps perpetuis futuris temporibus prædictas Paduanam, ac Vicentinam, & Veronensem, ac Tarvisinam, & Cenetensem, ac Bellunensem, & Feltrensem, ac Concordiensem, & Justinopolitanam, & Æmoniensem, seu Civitatis novæ, ac Parentinam, necnon Polensem Ecclesias dictæ Ecclesiæ Utinensis Suffraganeas, ac tam eas, quam illarum Civitates, & dioceses respectivè universas, sub ipsa Provinciæ Utinensis compre-

Omniaque Metropolitanæ jura.

hensas, & nullatenus ab ea exemptas, nec dictæ Sedi Apostolicæ immediatæ, neque ulli alteri, nisi tantum Utinensi Ecclesiæ, & illius Archiepiscopo prædictis, quoad Archiepiscopalia, Metropolitanica, ac Provincialia jura, ac jurisdictiones, subjectas esse, & fore, dicta auctoritate declaramus. Pro Residentia verò, & habitatione Archiepiscopi Utinensis pro tempore existentis prædicti, in eadem Civitate Utinensi, Palatium cum ei annexis, in quo prædictus Daniel Cardinalis Patriarcha ad Præsens commoratur, & ab ipso multis ædificiis auctum, concedimus, & assignamus.

§. 3. Utque eadem Collegiata Ecclesiæ Sanctæ Mariæ Majoris nuncupatæ in Archiepiscopalem Ecclesiam Utinensem, ut præfertur, erecta, ex omni parte perfectior reddatur, condignoque Capitulo, ac Canonicorum, & Dignitates in ea obtinentium, ac Mansionariorum, & Cappellanorum numero condecoretur; in ea unam Præposituram, quæ inibi post Pontificalem major existat, pro uno Presbytero in Theologia Magistro, vel Decretorum Doctore, aut in eis Licentiatu, futuro dictæ Collegiata Ecclesiæ Sanctæ Mariæ Majoris nuncupatæ in Archiepiscopalem Ecclesiam Utinensem, ut præfertur, erectæ Præposito, qui illius Capituli Caput existat, & in Choro, Capitulo, Processionibus, cæterisque functionibus, & actibus Capitalibus publicis & privatis, dictæ Collegiata Ecclesiæ Sanctæ Mariæ Majoris nuncupatæ in Archiepiscopalem Ecclesiam Utinensem, ut præfertur, erectæ præminentiam, & primum locum habeat; ac unum Decanatum, qui secunda, pro uno Clerico, seu Presbytero futuro dictæ Ecclesiæ Decano, & unum Primiceriatum, qui tertia, Dignitates inibi respectivè existant, pro uno Clerico, seu Presbytero futuro dictæ Ecclesiæ Primicerio, ac viginti quatuor Canonicatus, totidemque Præbendas pro totidem Clericis, seu Presbyteris futuris in ea Canonicis, ac duodecim Mansionariatus, pro totidem Presbyteris futuris in ea Mansionariis, necnon octo sine cura, personalem tamen residentiam requirentes, Cappellanas, pro totidem Presbyteris futuris in ea Cappellanis, ut infra, nominandis; cum Capitulo, Stallo, Mensa Capitali, Arca, Bursa, & Sigillo communibus, ac omnibus & singulis aliis Capitalibus signis, & insignis, aliis Metropolitanis Ecclesiis, earumque Capitulis de jure, usû, consuetudine, privilegio, aut aliàs quomodolibet, non tamen ex indulto, seu privilegio particulari, competentibus; quique Præpositus, ac Decanus, & Primicerius, necnon Canonici prædicti Capitulum inter se constituant; ac tam ipsi, quam Mansionarii, & Cappellani hujusmodi apud dictam Ecclesiam personaliter residere, & in ea singulis diebus, ac debitis temporibus, horas Canonicas, ac Majorem, seu Conventualem, & alias Missas, cæteraque Divina Officia solita & consueta, cum debita mentis attentione, servatque Ecclesiastica disciplina; ac infra scriptis ordine & præcedentia omnino servatis, videlicet quod Præpositus semper primum, Decanus secundum, & Primicerius tertium, locos habeant; deinde juxta antianitatem majorem, seu priorem electionem, aut nominationem in Canonicos, Mansionarios, & Cappellanos hujusmodi, viginti quatuor Canonici, & successivè duodecim Mansionarii, & octo Cappellani prædicti succedant; qui Mansionarii, & Cappellani nunquam de Gremio Capituli censeri debeant, minuscule vocem, aut votum in Capitulo, ac Sessionibus Capitalibus habere valeant; omnes vero Archiepiscopo Utinensi pro tempore existentis, prout in aliis Cathedralibus & Metropolitanis Ecclesiis prædicari solet, inservire teneantur, psallere, decantare, recitare, & respectivè celebrare, & aliàs dictæ Ecclesiæ in Divinis

Archiepiscopales sedes.

Capitulum in nova Metropolitana statuitur, cæterisque Mansionariorum, & Cappellanorum numerus.

Ordo præcedendi inter eos.

lauda-

laudabiliter deservire debeant, & teneantur, dicta Apostolica auctoritate, etiam perpetuo erigimus, & instituiamus.

§. 4. Illis autem sic erectis, & institutis, pro meniarum Archiepiscopalis & respective Capitularis praeclae Ecclesiae, necnon Archiepiscopatus Utinensis huiusmodi, videlicet infra scriptam summam octo millium trecentorum, & sexdecim Ducatorum monetae Venetae, ei ut infra assignandam, & Praepositurae, ac Decanatus, & Primitivatus, ac viginti quatuor Canonicatum, totidemque Praebendarum, & duodecim Mansionariatum, necnon octo Cappellanarum, ut praefertur, erectorum, & erecturum, huiusmodi respective dote, illumque, ac illos, & illas pro tempore respective obtinentium congrua sustentatione, ac onerum eis pro tempore respective incumbentium supportatione, omnia & singula fructus, redditus, proventus, iura, obventiones, & emolumenta universa, tam ad praedictam olim Patriarchalem Aquileensem Ecclesiam per Nos, ut praefertur suppressam, & extinctam, in Dominio Veneto existentia, quam ad praedictam Collegiatam Ecclesiam Sanctae Mariae Majoris nuncupatae in Archiepiscopalem Ecclesiam Utinensem, ut praefertur, erectam quomodolibet spectantia, & pertinentia: ita tamen ut Mensae Archiepiscopalis Utinensis redditus annui sint in octo mille trecentum & sexdecim Ducatis monetae Venetae praedictae, ad rationem Librarum sex, & solidorum quatuor pro quolibet Ducato huiusmodi, licet redditus Mensae Patriarchalis Ecclesiae Aquileensis praedictae in solis septem millibus quingentis nonaginta septem Ducatis similiter consistenter, attento quod praedicti Dux & Respublica Venetiarum, ad faciendam Nobis rem gratam, auxerunt redditus praedictae Mensae Archiepiscopalis Utinensis in decatis septingentis novendecim similibus, quo intuitu etiam Dux, & Respublica praedicti continuabunt favore Sacristiae praedictae Ecclesiae Sanctae Mariae Majoris nuncupatae annuam praestationem trecentorum & sexdecim Ducatorum similium, quae prius praestabatur Sacristiae praedictae Patriarchalis Ecclesiae Aquileensis.

§. 5. Praeposito vero septingenti sexaginta, & Decano sexcenti quinquaginta, ac Primitivo quingenti septuaginta, singulis vero ex viginti quatuor Canonicatibus trecenti quinquaginta quinque, ac singulis ex duodecim Mansionariis centum octoginta septem ducati monetae Venetae praedictae, cum dimidio alterius ducati paris, necnon singulis ex octo Cappellanis pro tempore existentibus praedictis, octoginta octo ducati similes cum trius quartis alterius ducati paris annuatim assignentur, eadem Apostolica auctoritate similiter perpetuo applicamus, & appropriamus; ita quod liceat futuris Archiepiscopo Utinensi, ac Praeposito, & Decano, ac Primitivo, & viginti quatuor Canonicis, ac duodecim Mansionariis, & octo Cappellanis praedictae Ecclesiae pro tempore existentibus, illorum omnium fructuum, reddituum, iurium, obventionum, & emolumentorum veram, realem, & actualem possessionem per se, vel alium, seu alios, eorum, ac dictarum Mensarum Archiepiscopalis, & respective Capitularis nominibus, propria auctoritate, liberè apprehendere, & apprehensam perpetuo retinere, fructus quoque, redditus, & proventus huiusmodi, iura, obventiones, & emolumenta quaecumque percipere, exigere, levare, ac in eorum, & Mensarum Archiepiscopalis, & respective Capitularis huiusmodi usus, & utilitatem convertere, casualis licentia desuper minimè requisita.

§. 6. Praeterea, attenta dismembratione, ac separatione fructuum ex Bonis in Veneto Dominio existentibus ad Monasterium Abbatum nuncupatum Sancti Petri de Rosacio Ordinis Sancti

Benedicti olim Aquileensis Dicecesis per Nos, ut praefertur, suppressae & extinctae, quod Dilectus similiter Filius noster Angelus Maria praedictae S. R. E. Cardinalis Quirini nuncupatus, modernus Episcopus Brixienis, in Commendam ad sui vitam ex concessione & dispensatione Apostolicis ad praesens obtinet, quodque in finitiam Commendam ex pari concessione Apostolica ad vitam obtineri consuevit, spectantium, & pertinentium, in actu erectionis Ecclesiae Archiepiscopalis Goritienis per Nos, ut praefertur, factis, ex tunc, & cum primum illud per cessum, etiam ex causa permutationis, vel decessum, seu privationem, aut quamvis aliam dimissionem, vel amissionem dicti Angeli Mariae Cardinalis & Episcopi, aut alio quovis modo ex eius persona, Commenda praedicta cessante, vacare contigerit, firmo remanente Titulo Commendae; cujus Monasterii taxa in libris Camerae Apostolicae descripta ad centum octoginta tres Florenos auri, cum uno tertio alterius Floreni similis, pro parte ad Mensam Archiepiscopalem Utinensem praedictam spectante, quae ab Archiepiscopo Utinensi pro tempore existente, utpotè in provisione Ecclesiae Archiepiscopalis solvenda, in litteris Apostolicis Commendae ejusdem Monasterii desuper expediendis perfolvi non debebit, attento quod taxa Ecclesiae Utinensis ad mille Florenos auri, comprehensis dictis centum octoginta tribus Florenis huiusmodi cum uno tertio alterius Floreni paris, in praedictis libris, ut accepimus, descripta reperitur; quodque Monasterium, quia redditus ex Bonis in Veneto Dominio existentibus habet, Utinensis Dicecesis denominari, ac Archiepiscopis Utinensibus pro tempore existentibus, & non aliis personis, in Commendam, Apostolica auctoritate concedi, & assignari debeat, cum denominatione, seu titulo ejusdem S. Petri de Rosacio, ut praefertur, etiam factis, quas dicta Apostolica auctoritate confirmamus; eisdem fructus sic dismembratos, & separatos, & ad summam duorum millium Ducatorum similium annuatim ascendentes, eidem Mensae Archiepisc. Utinensi, cujus favore annuatim solventur, ut adimpleatur summa octo millium trecentorum, & sexdecim Ducatorum huiusmodi quotannis Archiepiscopo Utinensi pro tempore existenti a publica Capla Utinensi, seu alia Reipublicae praedictae, donec & quousque tradantur fundi & stabilia, quae sint dicti annui redditus, nitidi, & liberi ab omnibus expensis; & quatenus praedictus Daniel Cardinalis & Patriarcha eidem Angelo Mariae Cardinali & Episcopo praemoriatur, tunc Dux, & Respublica praedicti subministrabunt bis mille Ducatos annuos similes Archiepiscopo Utinensi pro tempore existenti, donec tamen & quousque praedictum Monasterium per dicti Angeli Mariae Cardinalis & Episcopi cessum, vel decessum, aut alio quovis modo, ex eius persona, Commenda praedicta cessante, vacare contigerit.

§. 7. Pro Capitulo vero, & omnibus Capitularibus praedictae Ecclesiae in Archiepiscopalem, ut praefertur, erectae, omnes & singulos redditus cujuscumque generis, & speciei, cum omnibus iuribus, & actionibus, ac unionibus Beneficiorum Ecclesiasticorum, tam Capituli olim Patriarchalis Ecclesiae Aquileensis per Nos, ut praefertur, suppressae & extinctae, quam praedictae Collegiatae Ecclesiae S. Mariae Majoris in Archiepiscopalem, ut praefertur, erectae, ad tredecim mille & quadringentos ducatos similes in totum annuatim ascendentes, non deductis oneribus, itaut, facta distributione inter singulos, ut supra, superesse debeant annuatim sexaginta ducati pares in salarium Acolytorum, qui praedictae Ecclesiae inservient, erogandi, Apostolica auctoritate praedicta similiter perpetuo applicamus & appropriamus: ad praedictam iidem Ecclesiam in Archiepiscopalem, ut praefertur, erectam, omnia & singula

Proventus
Capitularis
Mensae designantur, & unde sint colligendi.

Archiepiscopali Mensae redditus assignantur.

Item cullibet Praebendae, Officio, ac Beneficio in Archiepiscopali Ecclesia erectis.

Portio redditus Mensae Archiepiscopalis percipienda ex perpetua

Provisionalia quaedam de Ecclesia Utinensi, Archiepiscopo, ejusque Coadjutore.

Anniversaria, & onera Missarum, ac Officia, habentia fundos, & redditus in ditione Veneta, similiter perpetuo transferimus, in eaque celebrari mandamus.

§. 8. Insuper quod semper, & quodcumque Archiepiscopalis Ecclesia Utinensis per Nos, ut praefertur, erecta, Pastoris solatio destituta fuerit, ad illam Archiepiscopus Utinensis pro tempore, ut infra, nominandus teneatur ad solutionem taxae a Collegio Venerabilium Fratrum Nostrorum praedictae S. R. E. Cardinalium statutam, tam ratione praedictae Ecclesiae Utinensis, quam ratione praedicti Monasterii Sancti Petri de Rosacio, in parte, ut supra, Mensae Archiepiscopali Utinensi praedictae assignata, quin teneatur ad utriusque taxae solutionem praedictus Daniel Cardinalis & Patriarcha, quem Nos, absque alia de ejus persona Ecclesiae Utinensi praedictae de novo facienda provisione, & praefactione, in Archiepiscopum Utinensem declaramus, ipsumque eidem Ecclesiae Utinensi praefectum fuisse & esse volumus; & cum in Archiepiscopum Utinensem praedictum successerit Venerabilis Frater Noster Bartholomaeus Gradenigo modernus Episcopus Thiatirensis in partibus Infidelium, ex nunc pro tunc a Duce & Republica praedictis ad illam nominatus, quatenus tamen in actu, quo ipse alias praedicto Danieli Cardinali & Patriarchae Coadjutor perpetuus, & irrevocabilis in regimine & administratione dictae olim Patriarchalis Ecclesiae Aquileiensis per Nos, ut praefertur, suppressae & extinctae, cum futura in illa successione, Apostolica auctoritate praedicta constitutus & deputatus fuit, jura & emolumenta eidem Collegio, & Camerae Apostolicae debita perolverit, & non alias, quod in actu expeditionis suarum novarum Litterarum Apostolicarum Coadjutoriae, teneatur tantum ad solutionem taxae praedicti Monasterii Sancti Petri de Rosacio, pro qua taxa praestare debeat praedicto Collegio, & Cancellariae Apostolicae idoneam cautionem, eadem Apostolica auctoritate declaramus.

Capituli Utinensis facultas condendi statuta, eaque reformandi, ac revocandi.

§. 9. Praeterea eisdem futuris, & pro tempore existentibus Ecclesiae Utinensis Archiepiscopo, Capitulo, & Canonicis, & Dignitates praedictas obtinentibus, ut ipsi capitulariter congregati, pro dictae Ecclesiae Utinensis, ac illius Mensae Capitularis, Sacrariae, & Fabricae, earumque rerum, & honorum, tam spiritualium, quam temporalium prospero, felicitique statu, regimine, gubernio, & directione, ac onerum eis pro tempore respective incumbentium supportatione, Missarum, Horarum Canonicarum diurnarum, & nocturnarum, aliorumque Divinorum Officiorum, Processionum, Funeralium, & Anniversariorum celebratione, ac de Dignitatibus, Canonicatibus, & Praebendis, ac Mansionariis, & Cappellaniis praedictis, aliisque Ministeriis Ecclesiasticis inibi pro tempore providendorum receptione, & admissione, personali residentia, distributionum etiam quotidianarum, & emolumentorum quorumcumque repartitione, & administratione, poenarum per absentes, ac Divinis Officiis, & Functionibus suis loco & tempore non interessentes, seu onera, & ministeria eis respective incumbenda subire negligentes, incurrendarum impositionem, atque incursum, singulorum praesentis & absentis notandis, caeremoniis, & ritibus in praedicta Ecclesia, illiusque Choro, Capitulo, Processionibus, & aliis actibus servandis, necnon illius Ministeris deputandis & amovendis, salariis, & stipendiis eorum cuilibet assignandis, & quibusvis aliis rebus, in praemissis, & circa ea quomodolibet necessariis & opportunis, quaecumque Statuta, Ordinationes, Capitula, & Decreta, licita tamen, & honesta, ac sacris Canonibus, & Concilii Tridentini Decretis, & Constitutionibus Apo-

licis non contraria, condere & edere, conditaque & edita, pro temporum & rerum variatione, & qualitate, mutare, limitare, corrigere, declarare, & interpretari, ac in meliorem formam redigere, seu alia de novo etiam ex integro, de consensu tamen semper Archiepiscopi Utinensis pro tempore existentis, condere, & per eos, ad quos pro tempore spectabit, sub poenis in contrafacientes statuendis, observari facere liberè & licite valeant, plenam, liberam, & omnimodam facultatem, potestatem, & auctoritatem, eadem Apostolica auctoritate similiter perpetuo concedimus, & impertimur.

§. 10. Uterius futuris praedictae Ecclesiae Praeposito, & Decano, ac Primicerio, & vigintiquatuor Canonicis, necnon duodecim Mansionariis praedictis, eorumque in Praepositura, ac Decanatu, & Primiceriatu, & singulis Canonicatibus, & Praebendis, necnon Mansionariatus hujusmodi successoribus respective pro tempore existentibus, ut ipsi, Praepositus videlicet, ac Decanus, & Primicerius, ac viginti quatuor Canonici praedicti, Cappam magnam violacei coloris, pellibus armellinis sublitam, & Rochettum; Mansionarii verò praedicti Almutiam, tam in praedicta Ecclesia, quam extra eam, & tam in Processionibus, quam aliis actibus, & functionibus quibuscumque, publicis & privatis, etiam extra Civitatem Utinensem praedictam, ac ubique locorum, etiam in Synodalibus, Provincialibus, Universalibus, Generalibusque Conciliis, ac etiam in praesentia ditionum Venerabilium Fratrum Nostrorum praedictae S. R. E. Cardinalium, etiam de Latere Legatorum, Archiepiscoporum, Episcoporum, & Ordinarii etiam proprii, ac aliorum quorumcumque, ac etiam in ipsius Ecclesiae Choro, & Capitulo, quibusvis anni temporibus, & diebus, deferre & gestare, illisque respective uti, liberè, & licite possint, & valeant; eisdem quoque Praeposito, & Decano, & Primicerio, & vigintiquatuor Canonicis, necnon duodecim Mansionariis pro tempore existentibus praedictis, ut ipsi, eorumque Officiales, & Ministri, ac respective bona, proprietates, & jura quaecumque, omnibus & singulis, tam spiritualibus, quam temporalibus privilegiis, immunitatibus, exemptionibus, praeminentiis, antelationibus, concessionibus, indulgiis, favoribus, & gratis, quibus aliarum similium Archiepiscopali, & Metropolitanarum Ecclesiarum illarum partium, Capitula, Dignitates, Canonicatus & Praebendas, ac Mansionariatus in eis obtinentes, eorumque Officiales, & Ministri, ac bona, jura, res, & proprietates, de jure, usu, consuetudine, privilegio, aut alias quomodolibet, non tamen titulo oneroso, aut ex indulto, seu privilegio particulari, utantur, fruuntur, potiuntur, & gaudent, ac uti, frui, potiri, & gaudere possint, & poterunt quomodolibet in futurum, similiter & pariformiter, ac aequè principaliter, & absque ulla prorsus differentia, dummodo tamen illa sint in usu, & non revocata, nec sub aliqua revocatione comprehensa, sacrisque Canonibus, praedicti Concilii Tridentini Decretis, ac Constitutionibus, & Ordinationibus Apostolicis praedictis non repugnent, uti, frui, potiri, & gaudere liberè & licite etiam possint, & valeant, perinde ac si eis nominatim & expresse concessa fuissent, eadem Apostolica auctoritate etiam perpetuo concedimus, & indulgemus.

§. 11. Et super, attentis Ducis & Reipublicae praedictorum erga Sanctam Sedem particularibus meritis, eisdem Duci & Reipublicae jus nominandi ad praedictam Archiepiscopalem Ecclesiam Utinensem, quoties eam pro tempore quomodolibet, non tamen per obitum apud Sedem Apostolicam praedictam, Pastoris solatio destituti contigerit, Personam idoneam, per Nos & Romanum Pontificem pro tempore existentem, ad

Dignitates, Canonici, & Mansionarii peculiaribus insignibus & consuetis juribus, ac privilegiis decorantur.

Jus nominandi Archiepiscopum, Decanum, Primicerium, & duodecim Canonicos, reservatur Venetae Reipublicae.

nomi-

nominationem hujusmodi, eidem Ecclesie Utinensi in Archiepiscopum praeferendam; necnon ad Decanatum, & Primiceriatum, & duodecim ex dictis viginti quatuor Canonicatibus & Præbendis, per Nos, ut præfertur, erectis hujusmodi, certis Sanctorum nominibus, ut infra, designandos, quancumque & quotiescumque illos & illas de cætero, quibusvis modis, & ex quorumcumque personis, etiam Nostris, & Romani Pontificis pro tempore existentis, seu quorumvis prædictæ S. R. E. Cardinalium etiam tunc viventium familiaribus, & continuis Commensalibus, seu Romanae Curie Officialibus, aut alias reservationem & affectionem inducentibus, seu per liberam, etiam ex causa permutationis, respectivè resignationes de illis in Romana Curia prædicta etiam in Nostris, & Romani Pontificis pro tempore existentis manibus, vel extra eam quomodolibet respectivè factas & admittas, aut assequutionem aliorum Beneficiorum Ecclesiasticorum quavis auctoritate collatorum, seu illos & illas pro tempore respectivè obtinentium in aliquo ex Mensibus Nobis & Romano Pontifici pro tempore existenti, ac eidem Sedi Apostolicæ reservatis, decessum, aut quamvis aliam dimissionem, amissionem, privationem, Religionis ingressum, & Professionis in ea emissionem, Matrimonii contractum, aut alias quomodocumque, & qualitercumque, non tamen per obitum apud Sedem Apostolicam prædictam, vacare contigerit, Personas itidem idoneas, in Decanatu, ac Primiceriatu, ac duodecim ex dictis viginti quatuor Canonicatibus & Præbendis per Nos, ut præfertur, erectis hujusmodi, per Ordinarium Loci respectivè instituendas, simili Apostolica auctoritate perpetuo reservamus, concedimus, & assignamus. Necnon Jus nominandi hujusmodi, tam ad dictam Ecclesiam Utinensem, quam ad Decanatum, & Primiceriatum, ac duodecim ex dictis viginti quatuor Canonicatibus & Præbendis, ut præfertur, erectis hujusmodi, Regium existere, eisdemque Duci & Republicæ semper & perpetuo competere, illudque vim, effectum, naturam, substantiam, essentiam, qualitatem, validitatem, & roboris firmitatem Juris nominandi Regii hujusmodi, obtinere, ac, uti tale, sub quacumque derogatione, etiam cum quibusvis prægnantissimis & efficacissimis clausulis, & decretis, in quacumque dispositione, etiam per viam Constitutionis, Legis, Regulæ Cancellariæ Apostolicæ, aut alias quomodocumque facta, nullatenus comprehendi, neque illi ullo unquam tempore, & ex quavis causa, derogari posse, neque debere, ac Collationes, provisiones, & qualvis alias dispositiones de Decanatu & Primiceriatu, ac duodecim ex viginti quatuor Canonicatibus & Præbendis, ut præfertur, erectis hujusmodi, absque Ducis & Republicæ prædictorum consensu, seu nominatione, pro tempore factas, processusque desuper habendos, & inde sequenda quæcumque, nulla, & invalida, nulliusque roboris vel momenti fore & esse, ac pro nullis & infectis haberi, nec Jus, aut coloratum titulum possidendi cuiquam per illa tribui posse, decernimus.

§. 12. Capitulo verò & Canonicis prædictæ Collegiatae Ecclesie Sanctæ Mariæ Majoris nuncupatæ in Archiepiscopalem Ecclesiam Utinensem, ut præfertur, erectæ, Jus nominandi ad Canonicatum, & *Masolini* nuncupatam Præbendam, ex dictis viginti quatuor Canonicatibus & Præbendis per Nos, ut præfertur, erectis; utpote semper considerandos ex fundatione, vel dotatione, de Jurepatronatus Laicorum, quoties illos quovis modo, & ex cujusvis persona, non tamen per obitum apud Sedem prædictam, vacare contigerit, personam idoneam ab eisdem Capitulo & Canonicis in illis instituendam, similiter perpetuo reservamus, concedimus, & assignamus.

§. 13. Sed ne ex prædicta reservatione Juris nominandi Duci & Republicæ prædictis, ut præfertur, concessa, tantum oriatur præjudicium prædictæ Cancellariæ Apostolicæ; decernimus, & declaramus, quod tam Decanatus, quam Primiceriatu, & duodecim ex viginti quatuor Canonicatibus & Præbendis, ut præfertur, erectis hujusmodi, vacationibus extra prædictam Curiam in Januarii, Martii, Maji, Julii, Septembris, & Novembris mensibus quovis modo pro tempore occurrentibus; ad illos & illas a Duce & Republica præfatis nominati, exhibere debeant eorum nominationem in Dataria Apostolica, & subinde Apostolicas Litteras, cum expressione fructuum in viginti quatuor Ducatis auri de Camera, in Cancellaria Apostolica expedire teneantur. Vacationibus autem præfatis in aliis sex, Februarii videlicet, ac Aprilis, & Junii, ac Augusti, & Octobris, nec non Decembris mensibus occurrentibus, ad illos & illas nominati, Patentes litteras eorum institutionis ab Archiepiscopo Utinensi pro tempore existente reportare debeant. Litteræ autem Apostolicæ collationis prædictæ Præposituræ, quæ, utpote Dignitatis post Pontificalem majorem existentis, semper ad Sedem Apostolicam prædictam pertinebit, cum expressione pariter illius fructuum in viginti quatuor Ducatis auri de Camera expediantur.

§. 14. Idemque servabitur in litteris Apostolicis collationis aliorum undecim Canonicatum, totidemque Præbendarum, ut præfertur, erectorum & erectarum hujusmodi, quorum, tamquam liberæ collationis existentium, collatio faciendæ erit a Nobis, seu Romano Pontifice pro tempore existente, vel ab Archiepiscopo Utinensi pro tempore existente, ad formam Regularum ejusdem Cancellariæ Apostolicæ. Et quoad duodecim Mansionariatus, ac octo Cappellanas, ut præfertur, erectos & erectas hujusmodi, utpote de sui natura ad nutum amovibiles, prædictis Capitulo & Canonicis dictæ Ecclesie Jus eligendi liberæ Mansionarios & Cappellanos, quo prius potiebantur Capitulum & Canonici præfate Patriarchalis Ecclesie Aquilejensis per Nos, ut præfertur, suppressæ & extinctæ, necnon ejusdem Collegiatae Ecclesie Sanctæ Mariæ Majoris nuncupatæ in Archiepiscopalem Ecclesiam Utinensem, ut præfertur, erectæ, juxta antiquam consuetudinem; quodque cura animarum dilectorum Filiorum Parochianorum ejusdem Ecclesie Utinensis penes Capitulum & Canonicos præfate Ecclesie Utinensis remaneat, exercenda tamen per unum & alterum Vicarios ab eisdem Capitulo & Canonicis nominandos, & ad eorum nutum amovibiles, similiter reservamus, concedimus, ac respectivè declaramus.

§. 15. Denique, quod prædictus Daniel Cardinalis & Patriarcha, necnon pro tempore existens Archiepiscopus Utinensis, de Consilio Capituli, & Canonicorum prædictæ Ecclesie Utinensis, distinguere, seu declarare debeat Præbendas Canonicales hujusmodi Presbyterales, Diaconales, & Subdiaconales, necnon, ad præscriptum Concilii Tridentini prædicti, etiam Theologalem, & Penitentiarum Præbendas ejusdem Ecclesie Utinensis, ut præfertur, erectæ, prævio concursu conferendas: Quodque cum justum non sit, quod remaneant totaliter expoliati nonnulli ex antiquis Canonicis, Mansionariis, & Cappellanis tam præfate Patriarchalis Ecclesie Aquilejensis per Nos, ut præfertur, suppressæ & extinctæ, quam ejusdem Collegiatae Ecclesie Sanctæ Mariæ Majoris nuncupatæ in Archiepiscopalem Ecclesiam Utinensem, ut præfertur, erectæ, quibus locus esse non potest, attentio determinato numero Præbendarum in prædicta Archiepiscopali Ecclesia; onus esse debeat ejusdem Ecclesie Utinensis Capituli & Canonicorum

1753.
Provisio seu respectivè Infitutio in præfatis Dignitatibus, & Canonicatibus Jurispatronatus Republicæ, quomodo moderanda.

Quid de Canonicatibus liberæ collationis.

Deque Mansionariis, & Cappellaniis.

Cura animarum actualis, & habitualis penes quos?

Archiepiscopo, cum consensu Capituli, reservatur distinctio Præbendarum in Presbyterales, Diaconales, & Subdiaconales, ac designatio Theologalis, & Penitentiarum.

Indemnitati consiliorum nonnullorum Canonicorum, & Presbyterorum extinctæ Patriarchalis, & Collegiatae in Metropolitana erectæ.

Aliud jus nominandi ad certum Canonicatum, & Præbendam Capitulo reservatum.

Peculiaris dispositio de parte Aquilejensis Diocesis, sita in Veronensi Civitate & Diocesi.

Clausulae, & Decreta pro praemissorum similitate.

Aliter iudicari prohibetur.

dictis Presbyteris Congruam praebere, vita eorum naturali durante, vel donec ipsi aliter provideantur, qua sese sustentare valeant, & quatenus aliqua emergeret difficultas super assignatione praefatae Congruae per Capitulum & Canonicos praedictos, ut praefertur, praestanda, quod idem Daniel Cardinalis & Patriarcha illam pro suo arbitrio prudenter componere, & concordare; prout etiam decernere quantitatem distributionum a solis interessentibus Choro personaliter lucrandarum, valeat; quodque, quoad eam Diocesis Aquilejensis partem in Civitate, & Diocesi Veronensi existentem, haec ut prius, remanere debeat subiecta praefato Danieli Cardinali Patriarchae, vita ejus naturali durante; neque hoc intermedio tempore omittamus omnem opportunitatem capere providentiam in eo quod respiciet futurum tempus; & si dictus Daniel Cardinalis & Patriarcha è vivis decederet, quod Deus avertat, antequam capta fuisset dicta providentia, exequenda, ut supra, post obitum praefati Danielis Cardinalis & Patriarchae, ne Capitulum Veronense, ac Monasterium Sanctae Mariae in Organo nuncupatae Sancti Benedicti, seu alterius Ordinis, & aliae Ecclesiae in Civitate, & Suburbis Veronensibus posita, olim Patriarchatus Aquilejensis per Nos, ut praefertur, suppresso & extincto subiectae, ullo unquam tempore sint sine capite, & ne via aperiatur inconvenientibus ex causa praetensionum bene notarum Capituli & Canonicorum Ecclesiae Veronensis super aliquibus Ecclesiis, & Monasteriis; ex nunc prout decernimus, Venerabilam Fratrem Nostrum Episcopum Veronensem, uti Apostolicum Delegatum, exercere debere super Capitulo, & Canonicis Ecclesiae Veronensis praedictae, & Monasterio praefato, aliisque Ecclesiis praedictis omnem eam jurisdictionem, si, & quam hactenus exercuerunt Patriarchae Aquilejenses, usque dum fuerit examinatum a Sancta Sede totum id, quod opus est examinari, ut rectum iudicium dari possit super praetensionibus, ne dum Episcopi, verum etiam Capituli, & Canonicorum Ecclesiae Veronensis praedictorum, similiter declaramus.

§. 16. Praesentes quoque litteras semper & perpetuo validas & efficaces esse, & fore, suoque plenarias & integros effectus sortiri & obtinere, nec ullo unquam tempore de subreptionis, vel obreptionis, aut nullitatis, seu invaliditatis vicio, vel intentionis Nostrae, aut alio quovis defectu notari, impugnari, invalidari, in jus, vel controversiam vocari, aut adversus illas quodcumque juris, vel facti, aut gratiae, vel iustitiae remedium impetrari posse; nec illas sub quibusvis similibus, vel dissimilibus gratiarum revocationibus, suspensionibus, limitationibus, derogationibus, aut aliis contrariis dispositionibus etiam per Nos, & Sedem Apostolicam praedictam, sub quibuscumque tenoribus, & formis, ac cum quibusvis clausulis, & decretis, etiam motu, scientia & potestatis plenitudine similibus, etiam consistorialiter pro tempore factis, & faciendis, comprehendendi, vel confundi; sed tamquam ad Fidei Catholicae exaltationem, Divinique cultus incrementum, & animarum aedificationem & solatium, factas & emanatas, semper ab illis excipi, & quoties illae emanabunt, toties in pristinum & validissimum statum restitutas, repositas, & plenarie reintegratas, ac de novo, & pro tempore existentes Archiepiscopum, & Capitulum, & Canonicos Utinensis praedictos, ac alios, quorum favorem eadem praesentes litterae quomodolibet concernunt, quodcumque eligenda, concessas, validasque fore & esse, suoque plenarias & integros effectus sortiri & obtinere; & sic ab omnibus censei; & ita per quoscumque Iudices Ordinarios, vel Delegatos, quavis auctoritate fungentes, etiam Caesarum Palatii Apostolici Au-

ditores, ac ejusdem Sanctae Romanae Ecclesiae Cardinales, etiam de Latere Legatos, Vicellegatos, dictaeque Sedis Nuncios, & quolibet alios quavis prerogativa & privilegio fungentes, ac honore & praeminentia fulgentes, sublata eis, ac eorum cuilibet quavis aliter iudicandi & interpretandi facultate, & auctoritate, in quavis causa & instantia iudicari & definiti debere, & si secus super his a quoquam &c. irritum & inane motu pari similiter decernimus.

§. 17. Non obstantibus &c. quibusvis etiam in Synodalibus, Provincialibus, Universalibus, & Generalibus Conciliis editis vel edendis, specialibus, vel generalibus Constitutionibus, & Ordinationibus Apostolicis, necnon Nostris, & Cancellariae praedictae Regulis, de jure quaesito non tollendo, ac de gratis adinstar non concedendis, & de exprimendo vero anno valore, nec non Lateranensis Concilii novissimè celebrati, uniones, & applicationes perpetuas, nisi in casibus à jure permixtis fieri prohibentis, & quatenus opus sit, praefatae Collegiatae Ecclesiae Sanctae Mariae Majoris nuncupatae in Archiepiscopalem Ecclesiam Utinensem, ut praefertur erectae, etiam juramento &c. roboratis statutis, & consuetudinibus, Privilegiis quoque, Indultis, & Litteris Apostolicis, quibusvis Superioribus & Personis, sub quibuscumque tenoribus & formis, ac cum quibusvis etiam derogationibus, & aliisque efficacioribus, efficacissimis, & insolitis clausulis, irritantibusque & aliis Decretis, etiam motu, scientia, & potestatis plenitudine similibus, ac etiam consistorialiter, aut alias quomodolibet etiam pluries ac iteratis vicibus concessis, confirmatis, approbatis, & innovatis: Quibus omnibus & singulis, etiam si pro illorum sufficienti derogatione, alias de illis, eorumque totis tenoribus, specialis, specifica, expressa & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia etiam exquisita & peculiaris forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata, inserti forent, praesentibus pro plene & sufficienter expressis, ac insertis habentes, illis alias in suo robore permanentibus, ad praemissorum omnium & singulorum validitatis effectum, hac vice dumtaxat specialiter & expressè, ac latissime, & plenissime, harum quoque serie, motu, scientia, & potestatis plenitudine paribus, derogamus, contrariis quibuscumque. Et post alia.

§. 18. Nulli ergo omnino hominum liceat hanc paginam Nostrarum absolutionis, suppressionis, extinctionis, erectionis, institutionis, concessionis, dismembrationis, separationis, assignationis, unionum, confirmationis, declarationis, applicationis, annexionis, incorporationis, facultatum impertionis, Indulti Juris nominandi, reservationis, extensionis, Decreti, mandati &c., & derogationis infringere, vel ei ausu temerario contraire; Si quis autem hoc attentare praesumpserit, &c. incursum.

Datum Romae apud Sanctam Mariam Majoris Anno Incarnationis Dominicae millesimo septingentesimo quinquagesimo tertio, quatuordecimo Kal. Februarii, Pontificatus Nostri Anno Tertio decimo.

Expedita in Cancellaria Apostolica.

Amplissima derogatio contrariis quibuscumque.

Sanctio perennis.

Dat. 19. Januarii 1753. Pont. 13.